

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadí

**BAALO KOANBALA TAANLI
JAGA DOAGIDIMA**

(PP-G N°014-2025)

Pengidiwende Silibeedi WEDIRAWOGO

Wagidugu, li binli 2025 cinaa dana 16

Baalo Koanbala taanli den kali Wagidugu
nani ban maani ki tiedi maama dana lele kuli,
li binli 2025, cinaa dana 16, alaalibu daali
ki cili leeru 9 yogunu ki ban gbeni leeru 11 leni miniti 39,
Kapitenni Ibirayimi TARAWORE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po,
ki puni u sanu bi niba n gedi dietoama nni ti Diema yeli po.

I. A JAGA

I.1. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU

A koanbala taanli taa **masienkaama tili yenli** ki tuo Faso yankodikaanu tuonsoandiegu mabilikaama.

Laa masienkaama tili taama baa teni Faso yankodikaanu tuonsoandiegu n baa yaa mabilikaama n baa todi kun yaa tuuni ku tuona n̄ama ke li yegi leni mi masienkaama tili yaali yaa lanba n tie 2014-614/PRES/PM/MEF/MFPTSS ki tie ban den taa yaali li binli 2014 cilele dana 24 ke li yegi leni baalo tuonsoandiedi yaadi n tuugi leni u loagu tuona.

I.2. YAA KOANBADIEGU N DIIDI TI DIEMA LOAGU LENI I LIGI KANI

A koanbala taanli taa **masienkaama tili yenli** yaali n jagi ke Dori iniverisite kani mi bangima, mi bancianma leni mi tuonbanma lingima cogigidiegu maama tie tontoni bontodikaala bi niba kuli po.

Laa diena maama po, bi den ñani baabiciami 100 Dori Kominno nni ke mi biigima buoli kuli tieni ki baa bandi lan baa cuani yaala mi gaanilindima po hali li binli 2021. Ama i ligi taanma paka leni mi yanduama luoma den teni ke a tuona daa cili hali dinla.

Nani lan kan tuo a tuona n cili ke bi niba nan baa ka mi fanma yeni po, lan teni ke baalo lingi yaa sanbili n baa pa o u sanu wan diedi laa fanma.

Laa masienkaama tili n lingi yaala tie ki jagi ke Dori iniverisite kani mi bangima, mi bancianma leni mi tuonbanma lingima cogigidiegu maama tie tontoni bontodikaala bi niba kuli po. Li baa teni baalo n baa mi faanma tontoni, ki nan go teni wan kuani o ñoaniani leni o danlinba a diena maama po.

Laa masienkaama tili taama teni ke bi waani ke Dori iniverisite kani mi bangima, mi bancianma leni mi tuonbanma lingima cogigidiegu leni a cogibila dieduankaana maama tie tontoni bontodikaala bi niba kuli po, ki go teni bi niba n fii ki ŋaa mi fanma a tuona po.

I.3. LI GUUNLI KOANBADIEGU KANI

A koanbala taanli tuo **tiwaankaali yenli** yaali n mia ban bogini bi biigima polisi tuonsoanjaali po ki pugini yaaba n peli ki tie polisinba bali ki go taa yaaba n daa tuuni ban tua polisinba dunla binli 2025 nni.

A koanbala taanli puni u sanu ban tieni mi biigima ki taa **Polisi komiseedinba piilie (20)** leni **polisi ofisienba piiluoba (60)** yaaba n peli ki tie polisi tuonsoanba siiga. Yaaba n daa pia tuonli mo yaa siiga, bi baa biigi ki taa **Polisi komiseedi piiga (10)** leni **polisi ofisienba piiga (10)** ke bi tie yaaba n pia mi tuonbanma yaama n ye miba, leni polisinba tuda lie **(2000)** ke bi siiga li baa yaa pia a masiniŋanbila 50 leni bi puoba 50.

I.4. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA KANI

A koanbala taanli tuo **tiwaankaali yenli** yaali n tuugi leni laa koanbadiegu tuonciamama li binli 2025 po.

Laa tuonciamama yegi leni ti diema goadiedima tuona lan tie ti bujiadiedi goaluodima nni. A tuonciamama yeni baa teni a bujiacaga n baa ti tiadi ki pugini ke lan todi a tuona n jaligi.

Laa tuonciamama tie :

- Nuna bubuudicagili yaali n buu i ligi ŋantaadi buudi tuonsoandiegu ŋanbima;
- Nuna kpaadidieli ŋanbima ;

- Bogande leni Tugan bubuudicaga ya n buu i ligi nantaadi buudi tuonsoandiedi nanbima tila dianma;
- A masinidiankaana a bujiacaga tuona po.

Laa tuonciamma ligi baa fii **miliyon kobinaa n piilele n biluoba n piilele n tuda taa n kobyia n piinaa n kuumu yia (476 073 949) seefa ligi nni.**

Laa ligi baa ña baalo ligikpagu nni li binli 2025 po.

I.5. YAA KOANBADIEGU N DIIDI I SANI TIENMA LENI A DIEGBENGA MAAMA KANI

A koanbala taanli noanli ban **bogini yaa balimaama** li tanmaali leni a tuoncianma lingima kaanu tuona po bulicina Faso nni.

Li balimaama yaama yaa lanba n tie AN VII-0044/FP/PRES ke bi den ñani ma li binli 1990 cilele dana 23 ki puni li tanmaali leni a tuoncianma lingima kaanu bebe u sanu ke laa tuonjaali n yaa dangi li bonmaakaala tuona tila ki go goandi a tuona ke bonmaakaala kuli n fidi ki pundi bina piiga kaa biidi.

Mine balimaama yaama ke bi bogini yeni n lingi yaala tie ki luodi li tanmaali leni a tuoncianma lingima kaanu tuona tuontiamma toaba po ama ki nan kan wadi a tuona namu. Bi taa laa balimaama kelima li tuonjaali yeni naa go fidi ki kuandi li ñoaniani, lii go fidi ki gbendi a tuona lan bili yaa yogu. Laa balimaama baa todi Gufenema o tuonciamma soanma nni bonjanla.

Li boncanla yaala n tugi yuli laa balimaama nni tie ki luodi li tanmaali leni a tuoncianma lingima kaanu tuona tuontiamma baalo n ki die yaa tuonjaana po.

A koanbala taanli puni u sanu ban soagini laa balimaama yaama ke bi bogini yeni Dépitenba tuonli kaanu.

II. I LAABAALITENKE

II.1. Yaa koanbali n diidi ti diema loagu leni i ligi puni **i laabaali boncianla**; laa laabaali siiga tiami nne:

- **yaa laabaalu** n tuugi leni Bulicina Faso n baa kali yaa taanli ke li tuugi leni i laabaali boagidima leni mi tuginma i dogi siiga li guunli leni yaa toatiadi n baa fidi ki bolini miana boncianla. Li ɲandunli nni yaa tuonjaali n diidi laa tuona n baa bogini laa taanli Afiriki nintuali dogi po, li binli 2025 cimuu dana 6 ki gedi o dana 8 Kotonu dogu nni lan tie Benen diema.

Laa taanli baa taani ti diema gaanilindima dogi Duaninba. Ban lingi yaala tie ki moa leni ti tiabiaditi tugima leni yaa tuona n kua kuli ki yegi leni yaa tiabiaditi n kaa ye li bali maama nni.

- **yaa laabaalu** n tuugi leni Bulicina Faso kalima Sayeli dogi taanma (AYESI) duaninba yudancianba taanli ke li baa tieni li binli 2025 cimuu dana 15 ki gedi o dana 16 Bamako dogu nni lan tie Mali diema. Duaninba bandiciama taanli n baa kpa tieni li binli 2025 cimuu dana 13 ki gedi o dana 14.

Duaninba bandiciama taanli baa noanli ki la ban den taa yaa jaga li taanjuodikaali yaali n den tieni li binli 2024 ciyia dana 26 Lome dogu nni Togo po n soani ki se naani. Bi go baa noanli AYESI dogi koanbala n den teni yaa puoga bi taancianli yogunu yaali n den tieni li binli 2024 ciyia dana 26 ki tuugi leni laa dogi balimaama daginma yenma bi niba leni bi tiadi cenli po.

- **yaa laabaalu** n tuugi leni u baadogu buama todima ligi tuona n cuoni maama li binli 2024 nni leni li binli 2025 ɲmataadikpiali siiga.

Li binli 2024 piiga n cilie dana 31 daali, yaa ligi n taani fii **k 175 685 016 862 seefa ligi** ki sua li binli 2023 nni li den tie **k 99 039 007 100 seefa ligi**, lan tie ke li pugini 77,39 %.

I ligiñake nni, yaa ligi n taani todi ke bi tugi VEDEPENBA leni a jakoanda tugili lan tie yendo yendo bi lan tie a tataantuona nni. Laa ligiñake po bi ñani **150 000 000 000 seefa ligi nni** ki pani yaa ligi n pundi **145 834 191 222 seefa ligi**, lan tie 97,22%.

Li binli 2025 nni cilè ki gedi citaa ŋmaalo ban soani ki pundi naani tie yenma leni li binli 2024 laa yogunu ban den soani ki pundi naankani. Yaa ligi n den kua tie **33 031 198 295 seefa ligi**, lan bua ki yedi ke yaala n pugini tie 6,55% bi ya biigi leni li binli 2024 laa yogunu. Laa yogunu nni ban ñani yaa ligi pundi **25 124 140 000 seefa ligi**, lan tie bi niba n puni leni bi pala yaala 76,87%.

A koanbala taanli gaali yaaba kuli n soani ke ti fidi ki pundi lankani. Li taanli puogi yaa koanbala n yeni laa tuona n tieni ania ki soani yaa tuona n bogini kuli ki baa ki kuani i ligi ki pugini ki nan go moandi laa ligi kubili n ya ŋani.

II.2. A bicegidikaana cogu leni mi tuonsoanbanma bangima koanbali puni a koanbala taanli yaa laabaalu n tuugi leni mi tuonbanma leni a cogibila pegidima a cogisanbila gandima badikpialu yu ke bi bogidi ke u baa tieni dunla binli 2025 cimuu dana 2 ki gedi dana 4 SIAWO fanma nni.

Laa badu majali tie « **A masina tagima tuonsoankaani leni li jeeguoli n pia yaa muana Bulicina Faso nni: mi bangima baa yaa tiedi mile tuonsoanbanma nne tin fidi ki moa leni laa muana? »**.

Line majali gandima n lingi yaala tie ki teni mi bangima tuonsoancaga n yegi leni ti diema n pia yaa nunlecanma.

Bulicina tuonbanma buoli tuonsoandiegu Bulicina Suudu Bawudè n bogini laa badu. Li mayuli tie ki pa bi nipanba i laabaali leni i tundi ban baa fidi ki bangi yaa tuonbuoli leni yaa sanbila n ye a tuona baama po.

U badu yeni yogunu, a taana baa tieni ban boe i tuonbuoli maama, i tundi leni mi pegidima baa tieni a cogibila leni yaaba n lingi a tuona po, ku danligu baa loli a cogidiena leni a tuonsoanjaana siiga. Lankuli mayuli tie ki kadi leni bi nipanba ki todi ba a tuona baama n cuoni bonjanla.

III. BAN DINI YAABA A BALA

III.1. BAN DINI YAABA A BALA NIYENDO YENDO TUONA PO

A. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU

- Hamadé **WEDIRAWOGO**, joa, o lanba li tuonli nni tie **87 299 M**, ki tie bu kpaabu tuona bando, dini li bali ki tua mi diema nni u yankodikaanu tuonsoandiegu liigi yua.

B. YAA KOANBADIEGU N DIIDI TI DIEMA LOAGU LENI I LIGI

- Poli **YAMEWOGO**, joa, o lanba li tuonli nni tie **39 656 T**, ki tie li lubili ligi tuonsoanba goandikoa, dini li bali ki tua mi tinfanma diedima tila tuona liigi yua,
- Inusa **WEDIRAWOGO**, joa, o lanba li tuonli nni tie **59 861 W**, ki tie li lubili ligi tuonsoanba goandikoa, dini li bali ki tua Bagedepoli tuonsoancagili tuona ligi tundikoa;
- Wendilasida Déni **TIEMITORE**, joa, o lanba li tuonli nni tie **334 206 T**, ki tie li lubili ligi tuonsoanba goandikoa, dini li bali ki tua li lubili tuona Canbaanciamo Siro podovenso nni;
- Eriki **WEDIRAWOGO**, joa, o lanba li tuonli nni tie **294 312 Z**, ki tie Baalo ligidiedi goandikoa, dini li bali ki tua Sangie podovenso ligikubilo.

C. LI GUUNLI KOANBADIEGU KANI

- Bénéwendé **SANKARA**, joa, o lanba li tuonli nni tie **119 404 P**, ki tie komiseeri polisinba polisinba tuona nni, dini li bali ki tua li koanbali todikoa;
- Seki Hamedi **DUSA**, o lanba li tuonli nni tie **217 563 T**, ki tie komiseeri polisinba tuona nni, dini li bali ki tua li koanbali todikoa;
- **TRAORE** pua Fenhayi Mayimuna **KARAMA**, o lanba li tuonli nni tie **326 916 N**, ki tie mi bangima leni a tuona kpaagima sanbila gobidima yua, dini li bali ki tua li koanli todikoa ;

- Ogusiten **SAWADOGO**, joa, ki tie polisinba liigi yua, dini li bali ki tua ti buudi jama sanbila leni yaa magalikaama n pundi ti budijama kaanu liigi yua ;
- Abideli Kabiri Sayidu **SAWADOGO**, joa, ki tie polisinba liigi yua, dini li bali ki tua mi diema nni yaa tuonsoandiegu n die mu tinmu tugu nni bonpiakaala guudidima (ONASIMI) tuonsoanba liigi yua.

D. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

- **TRAORE** pua Eliélé Nadine **BAZIE**, o lanba li tuonli n tie **105 152 F**, ki tie diema leni dietoma siiga juogu tuona tundikoa, dini li bali ki tua li koanbali todikoa;
- Mariame **FOFANA**, pua, o lanba li tuonli n tie **59 731 E**, ki tie diema leni dietoma siiga juogu tuona tundikoa, dini li bali ki tua, i ligi boginma sanbili 029 « **yaa tuginma n ye dogi bonciala siiga** » liigi yua ki go baa tie yaa tuginma n ye i dogi bonciala siiga tuona Canbaanciamo ;
- Tobiñaré Jaki **GUBA**, joa o lanba li tuonli n tie **200 455 P**, ki tie diema leni dietoma siiga juogu tuona tundikoa, dini li bali ki tua mi diema nni mi bandima findima liigi yua;
- Balebiyan Bidino **TIÑEGIRE**, joa, o lanba li tuonli n tie **212 444 G**, ki tie diema leni dietoma siiga juogu tuona tundikoa, dini li bali ki tua tundikoa Bulicina Faso leni Adisi- Abeba (Etiopi diema) siiga juogu tuonsoandiegu kani.

E. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA DAMU

- Tégawendé Aliferedi **SINPORE**, joa, o lanba li tuonli n tie **52 964 T**, ki tie ti tuonsoandiedi nni bi tuonsoanba gobidima tundikoa, dini li bali ki

tua « **Baalo saliwudo tuonsoadiedi nni bi tuosoanba gobidima** » sanbili 042 liigi yua, ki go baa ki tie Baalo saliwudo tuona liigi yua;

- Isa **WEDIRAWOGO**, joa, o lanba li tuonli n tie **216 826 K**, ki tie li tuonli njoadima sanbila goandikoa, dini li bali ki tua li tuonli leni bi niba yema njamu boginma liigi yua Esi (U gulimu) desiyon nni.
- **YAA KOANBADIEGU N DIE I LAABAALI, KU MAASUAGU, I NII TAGIMA LENI YANLUADI GOADA TUONA**
- Isaka **SALIGO**, joa, o lanba li tuonli n tie **381 961 E**, ki tie ku maasuagu bonpiakaala gobidima tundikoa, dini li bali ki tua i laabaali, ku maasuagu, i nii tagima leni yanluadi goada tuona Canbaanciamo Lorum podovenso nni;
- Lukumani **BADOLO**, joa, o lanba li tuonli n tie **382 014 W**, ki tie yanluadi goada tuona gobidikoa, dini li bali ki tua i laabaali, ku maasuagu, mi tagima leni yanluadi goada tuona Canbaanciamo Kuritenga podovenso nni.

F. LI LAAFIALI KOANBADIEGU KANI

- **TRAORE** pua Yéri Siilvi **YULI**, o lanba li tuonli n tie **231 505 K**, ki tie logitogbengili dini li bali ki tua bi niba laafiali yema ku diegu nni liigi yua ;
- Mahamadi **TASANBEDO**, joa, o lanba li tuonli n tie **118 892 W**, ki tie logitogbengili, dini li bali ki tua a nicaga laafiali yema liggi yua ;
- Dumapoulè Vensan **BATIENE**, joa, o lanba li tuonli n tie **208 196 J**, ki tie logitogengili i yianpuudike bandima leni i buuma nni, dini li bali ki tua li laafiali ligi baama sanbila lebidima tidianlo ;
- **SAWADOGO** pua Mariama **BAGAYA**, o lanba li tuonli n tie **273 066 D**, ki tie li laafiali ñoagu bandima bi u tagima logitoli, dini li bali ki tua i gulinñoagidi (ku maasuagu ñoagidi) gobidima liigi yua ;

- Isa **KONATE**, o lanba li tuonli n tie **245 650 H**, ki tie logitogbengili, dini li bali ki tua li laafiali liigi yua Ho-basen desiyon nni.

**G. YAA KOANBADIEGU N DIIDI MI TAGIMA TUONSOANDIEDI,
U KPENDU LENI U NUU TUONSOANBANMA TUONA**

- Eriki **BASOLE**, joa, o lanba li tuonli nni tie **119 816 E**, ki tie u loagu tuona gobidima tundikoa, dini li bali ki tua u nuu tuonsoanbanma tuona badu li nandunli dogi po Wagidigu nni (SIAO).

**H. YAA KOANBADIEGU N DIIDI MI GAANILINDIMA, MI ÑIMA
LENI I YIANBONFUODI BOLINMA TUONA**

- Tidiane **NIKIEMA**, joa, o lanba li tuonli nni tie **203 320 V**, ki tie bu kpaabu tuona bando, dini li bali ki tua mi ñima kaani tuona liigi yua;
- Séré Kironlalimi Félikisi **SOU**, joa, o lanba li tuonli nni tie **289 075 W**, ki tie bu kpaabu tuona bando, dini li bali ki tua mi ñima kaani findima tuona liigi yua mi ñima kaani tuona tuonsoandieciangu kani.

III.2. BAN DINI YAABA A BALA A TUONSOANJAANA YELI PO

A koanbala taanli baa ban dini yaaba a bala a tuonsoanjaana gobidima po:

- yaa tuonsoanjaali n diidi ti tiadi kuama leni ti ñama mi diema nni u loagu leni i ligi koanbadiegu yeli po ;
- mi diema nni i laabaali boginma tuonsoandiegu kani yaa koanbadiegu n diidi enterineti, a tisoankaana tuonsoandiedi leni tankalafo tuona yeli po ;

Moko, a Koanbala Taanli baa ban dini yua li bali ke o tua yaa tuonsoanjaali n diidi ti tiadi kuama leni ti ñama mi diema nni tuona gobidima liigi yua.

A. YAA KOANBADIEGU N DIIDI TI DIEMA LOAGU LENI I LIGI

A Koanbala Taanli taa **masienkaama tila lie**.

Masienkaama tikpiali dini a bala yaa niba n tie ne ke bi tua a tuona gobidima liigi yaaba Baalo yeli po yaa tuonsoanjaali n diidi ti tiadi kuama leni ti ñama mi diema nni kani.

Yaa koanbadiegu n diidi ti diema loagu leni i ligi:

- O joa Mamadu **SERE**, o lanba li tuonli nni tie **39 652 W**, ki tie li lubili tuona goandikoa;
- O joa Mumuni Giyomi **MUMIWE**, o lanba li tuonli nni tie **49 351 C**, ki tie duaninba tuona goandikoa.

Yaa koanbadiegu n die ti diema guudima leni a minteelikpela maama:

- O joa Joany Bilesi **ONAJA**, ki tie minteeligbengili.

Li guunli koanbadiegu kani :

- O joa Jan kolodi **BASOLE**, o lanba li tuonli nni tie **111 477 S**, ki tie komiseeri polisinba tuona nni.

Bu kpaabu, li yanwubili leni mi ñima nni bonpiakaala koanbadiegu:

- O joa Alasani **NIKIEMA**, o lanba li tuonli nni tie **03 010 400 225 006 759**, ki tie tuonsoanjaali tuona boginma gobidikoa.

Yaa koanbadiegu n diidi mi gaanilindima, mi ñima leni i yianbonfuodi bolinma tuona:

- O joa Abu **TARAWORE**, o lanba li tuonli nni tie **117 567 H**, ki tie mi gaanilindima tuona nni goandikoa.

Yaa koanbadiegu n diidi kuuran tuona leni ki tinga tugu nni piama tuona :

- O joa Loran Wendenmi **KABIRE**, o lanba li tuonli nn tie **241 883 P**, ki tie ki tinga cogu leni ki tugu nni bonpiakaala bando.

Masienkaama tilieli dini li bali o joa Mamadu **SERE**, o lanba li tuonli nn tie **39 652 W**, ki tie li lubili tuona goandikoa, ke o tua mi diema nni yaa tuonsoanjaali n diidi ti tiadi kuama leni ti ñama tuona boginma gobidikoa bina taa po daaga.

B. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA

A Koanla Taanli taa **masienkaama tili** ki dini li bali o joa Abidulaye **KIENDEREBEWOGO**, Mle **00 00 012**, o lanba li tuonli nni tie **00 00 012**, ki tie ti tuonsoandiedi tuonsoantiadi daama sanbila boginma gobidikoa, ke o tua mi diema nni i laabaali boginma tuonsoandiegu tuonsoanba gobidikoa, bina taa po daaga.



www.sig.gov.bf

Gufenema Masoagindo

Le Porte-parole du Gouvernement,



Pingdwendé Gilbert OUEDRAOGO
Chevalier de l'Ordre de l'Étalon

Pengidiwende Silibeedi WEDIRAWOGO
O baa Baalo jaandi leni Tanjoa maalima